

## Cais a Telerau ac amodau'r "seddau gwag" ar Gludiant Ysgolion Cyngor Sir Caerfyrddin (2018)

---

Mae Cyngor Sir Caerfyrddin wedi penderfynu cynnig seddau gwag ar ei fysiau ysgol yn yr amgylchiadau canlynol:

- Cynigir y seddau gwag o fis Hydref bob blwyddyn, am weddill y flwyddyn academiaidd dan sylw.
- Ni chynigir seddau gwag ar neu lle mae gwasanaeth presennol yn rhedeg i ac o'r ysgol lle mae'r plant yn gallu talu i deithio arno, neu lle mae cludiant cyhoeddus addas eraill ar gael.
- Dim ond i blant o oed ysgol statudol y cynigir seddau gwag.
- Rhaid i ymgeiswyr fod yn byw yn Sir Gaerfyrddin (hy. fod Treth y Cyngor ar gyfer y cyfeiriad cartref cofrestredig yn cael ei thalu i Gyngor Sir Caerfyrddin). Rhaid bod y cyfeiriad hwn wedi'i gofrestru yn yr Ysgol fel cyfeiriad cartref y disgybl.
- Rhaid i ymgeiswyr fod yn mynychu'r ysgol agosaf neu ysgol y dalgylch a ddynodwyd gan yr AALI.
- Rhaid i ymgeiswyr fod yn byw o fewn y "pellter cerdded statudol" o'r ysgol, ond o leiaf filltir i ffwrdd.
- DIM OND ar gyfer y flwyddyn academiaidd gyfredol y caiff sedd wag ei chynnig ac nid yw'n golygu y caiff sedd ei chynnig y flwyddyn ddilynol.
- Mae'r Awdurdod yn cadw'r hawl i dynnu'r consesiwn hwn yn ôl am unrhyw reswm drwy roi 7 diwrnod o rybudd os digwydd i'r sedd wag beidio â bod ar gael (ee lle mae angen y sedd ar gyfer disgybl sy'n gymwys i gael cludiant am ddim, neu os bydd angen newid y trefniadau cludiant i'r ysgol am ba reswm bynnag y bo hynny.)
- Ni ellir cynnig seddau gwag os byddai gwneud hynny'n golygu cost ychwanegol i'r Awdurdod.
- Dim ond ar gerbydau contract penodol sy'n gweithredu ar ran Cyngor Sir Caerfyrddin y bydd y seddau gwag ar gael, lle mae'r contract rhwng yr Awdurdod a'r Contractwr yn gofyn am gerbyd ar gyfer 9 teithiwr neu ragor, hy. cerbydau gwasanaeth cyhoeddus. Nid yw tacsis a cherbydau hurio preifat (hy. sydd â llai na 9 sedd) yn rhan o'r cynllun. Dim ond ar gerbydau prif ffwrdd y bydd seddau gwag ar gael, ac nid mewn cerbydau a ddarperir i ddigysbillion mewn amgylchiadau arbennig (ee i Ysgolion neu Unedau Arbennig).
- Dim ond gan rieni neu warcheidwaid y derbynnir ceisiadau am seddau gwag. Ni fydd yr Awdurdod yn dod i gytundeb gydag Ysgol neu sefydliad arall ar gyfer defnyddio seddau gwag.
- Caiff nifer y seddau gwag ar bob cerbyd eu penderfynu gan y Cyngor Sir ac ni fyddant yn agored i drafodaeth. Ni ellir penderfynu cynnig seddau gwag ond lle mae nifer y Tocynnau Teithio a roddwyd i blant cymwys yn is na'r lle sydd yn y cerbyd yn ôl y contract.

*Noder: Ni ellir cynnig pob lle sbâr ar gerbyd fel "seddau gwag" oherwydd weithiau bydd angen seddau at ddibenion y staff (fel hyfforddi gyrwyr, cynnal neu adolygu asesiad risg ar y ffyrdd, neu ar gyfer cynorthwywyr teithio neu staff monitro). Rhaid i seddau sbâr fod ar gerbyd sy'n gwasanaethu llwybr a drefnwyd eisoes ac ni ddylai'r cerbyd orfod teithio'n ychwanegol.*

*Weithiau gallai edrych yn debyg fod nifer o seddau gwag ar fws ysgol ond nid felly y mae hi mewn gwirionedd, ac ni ellir o reidrwydd gynnig y seddau gwag tybiedig hyn i deithwyr eraill. Er enghraifft, rhaid sicrhau sedd i bob plentyn sydd wedi cofrestru i deithio ac sydd wedi cael Tocyn Teithio, oherwydd ni chaniateir i 3 eistedd mewn sedd i 2 nac i sefyll ar gerbydau sydd dan contract i wasanaethu ysgolion. Mae'n bosibl na fydd pob disgybl yn defnyddio'r cerbyd bob dydd, ond rhaid i'r sedd fod ar gael at eu defnydd serch hynny.*

*Nodwch hefyd fod contractwyr weithiau, am resymau gweithredol, yn defnyddio cerbydau sydd â mwy o seddau nag sy'n ofynnol o dan y contract. Er hynny ni ellir cynnig y seddau sbâr hyn fel "seddau gwag" oherwydd ni all contractwyr warantu y bydd y lle ychwanegol hwn ar gael bob amser.*

**Nodwch fod y Cyngor Sir wedi penderfynu cyflwyno tâl gweinyddol o £50 yr un am seddau dros ben. Ar ôl cael sedd dros ben gofynnir i'r ymgeiswyr llwyddiannus gysylltu â'r Cyngor Sir i dalu â charden cyn pen 10 diwrnod a fydd yn caniatáu i'r tocyn teithio gael ei ryddhau o fewn 10 diwrnod arall. Ni fydd ad-daliad yn cael ei roi ar gyfer tocynnau teithio sy'n cael eu hildio yn ystod y flwyddyn academaidd oni bai bod hynny ar gais y Cyngor Sir.**

Yn achos seddau gwag, rhoddir y flaenoriaeth i ddisgyblion ar y sail ganlynon:

- Rhoddir blaenoriaeth ar gyfer seddau dros ben i blant sy'n derbyn prydau ysgol am ddim ar hyn o bryd. **RHAID darparu prawf gyda'r cais hwn fod y plentyn yn gymwys i dderbyn prydau ysgol am ddim yn y flwyddyn academaidd gyfredol - ni fydd prawf a gyflwynir yn ôl-weithredol yn cael ei ystyried.** Caiff seddau eu cynnig yn ôl oed y disgyblion, gyda'r plant ieuengaf yn cael y flaenoriaeth.
- Caiff unrhyw seddau gwag sy'n weddill ar ôl eu cynnig i ddisgyblion sy'n cael prydau ysgol am ddim eu cynnig i'r ymgeiswyr eraill, unwaith eto yn ôl oed y disgyblion gyda'r plant ieuengaf yn cael y flaenoriaeth.

Rhaid gwneud ceisiadau am seddau gwag ar y ffurflen hon, a rhaid iddi gyrraedd y Cyngor Sir cyn hanner dydd ar y **28ain Medi 2018**. Wedi i chi ei llenwi anfonwch y ffurflen gais at **Ceisiadau, Uned Cludiant Teithwyr, Cyngor Sir Caerfyrddin, Bloc 1, Parc Myrddin, Caerfyrddin SA31 1HQ**.

Penderfynir ar y ceisiadau yn unol â'r meini prawf uchod ar sail y lle sbâr sydd ar gael ar **5ed Hydref 2018**. Lle bu'r cais yn llwyddiannus, bydd Tocynnau Teithio'n cael eu rhoi cyn pen 10 diwrnod gwaith ar ôl derbyn y tâl. Ni fydd teithio yn cael ei ganiatáu hyd nes bydd y Tocyn Teithio yn cael ei dderbyn.

Rhoddir manylion y llwybr i'w ddefnyddio gyda'r Tocyn Teithio. Os collir y Tocyn Teithio neu os caiff ei ddirodi rhaid cysylltu â'r Awdurdod ar **01267 234 567** ar unwaith er mwyn gwneud trefniadau dros dro ar gyfer teithio (lle bo modd) ac i archebu tocyn newydd. Codir tâl am Docynnau Teithio newydd.

Darperir cludiant am ddim ar y ddealltwriaeth y bydd y disgyblion yn ymddwyn mewn modd sy'n dangos parch at gyd-ddisgyblion, eiddo a diogelwch pawb. Rhaid i bob un sy'n ymwneud â darparu a defnyddio cludiant ysgol gadw at y 'Côd Ymddygiad ar gyfer Teithio o'r Cartref i'r Ysgol/Coleg'. Gellir cael copïau o'r Côd yn [www.sirgar.llyw.cymru/cludiantysgol](http://www.sirgar.llyw.cymru/cludiantysgol) neu drwy wneud cais i'r Awdurdod.

Rhaid dangos y Tocyn Teithio i yrrwr y bws ar ddechrau pob siwrnai. Mae'n bosibl y gwrthodir cludo'r disgybl oni ddangosir y tocyn. Nid oes modd trosglwyddo'r Tocyn Teithio, oherwydd nid yw'n ddilys ond ar gyfer y person a enwir ar y tocyn a'r siwrnai a ddangosir arno. Mae camddefnyddio Tocyn Teithio neu ei ddefnyddio'n dwyllodrus yn cael ei drin yn ddifrifol, a gallai olygu fod y dysgwr yn cael ei ddisgyblu o dan weithdrefn ddisgyblu yr ysgol/coleg yn ogystal â cholli ei hawl i deithio.

Os bydd unrhyw fanylion yn newid ers y cais gwreiddiol, rhaid i chi gysylltu ag Uned Cludiant Teithwyr yr Awdurdod ar unwaith, er mwyn iddynt newid y manylion ac ailasesu a yw'r dysgwr bellach yn gymwys i gael cludiant. Os oes angen Tocyn Teithio newydd oherwydd y newid, rhaid dychwelyd y tocyn presennol gyda'r cais.

Os nad ydych angen y Tocyn Teithio mwyach, anfonwch ef yn ôl i Uned Cludiant Teithwyr yr Awdurdod oherwydd gall fod eraill yn awyddus i ddefnyddio'r sedd wag.

Gallai seddau gwag gael eu tynnu'n ôl ar unrhyw adeg yn ystod y flwyddyn academaidd, heb nodi rheswm, drwy roi 7 diwrnod o rybudd. Caiff disgyblion yn y cyfryw amgylchiadau eu blaenoriaethu yn ôl oed, yr hynaf yn gyntaf, ond bydd plant sy'n cael prydau ysgol am ddim yn cadw'r flaenoriaeth. Os caiff y sedd wag ei thynnu'n ôl rhaid dychwelyd y Tocyn Teithio i'r Cyngor Sir ar unwaith. Bydd methu â gwneud hynny yn golygu na fydd deiliad y tocyn yn gymwys i fanteisio ar y consesiwn hwn yn y dyfodol. Ar ôl i'r sedd wag gael ei thynnu'n ôl, y rhieni o hynny ymlaen fydd yn gyfrifol am drefnu i gludo'r plentyn i'r ysgol ac adref.

**Mae penderfyniad yr Awdurdod ar seddau gwag yn derfynol ac nid oes hawl i apelio.**

# Cais am "sedd wag" ar Gludiant Ysgol

Darllenwch y nodiadau amgaeedig yn ofalus cyn llenwi'r ffurflen hon. Ysgrifennwch yn glir mewn inc du. Bydd y ffurflen yn cael ei dychwelyd os bydd unrhyw wybodaeth anghyflawn, gan arwain at oedi wrth brosesu'r cais. Defnyddiwch ffurflen ar wahân ar gyfer pob disgybl.

**Nodwch fod y Cyngor Sir wedi penderfynu cyflwyno tâl gweinyddol o £50 yr un am seddau dros ben. Ar ôl cael sedd dros ben gofynnir i'r ymgeiswyr llwyddiannus gysylltu â'r Cyngor Sir i dalu â charden cyn pen 10 diwrnod a fydd yn caniatáu i'r tocyn teithio gael ei ryddhau o fewn 10 diwrnod arall. Ni fydd ad-daliad yn cael ei roi ar gyfer tocynnau teithio sy'n cael eu hildio yn ystod y flwyddyn academiaidd oni bai bod hynny ar gais y Cyngor Sir.**

Adran 1. Manylion y disgybl: llenwch **BOB** rhan o'r adran hon yn gywir

Cyfenw:

Enw(au) cyntaf:

Cyfeiriad cartref llawn a'r côd post, fel y'u cofrestrwyd gyda'r Ysgol (RHAID cynnwys y côd post):

*O un cyfeiriad yn unig y caiff cludiant ei ddarparu fel rheol, sef yr un a gofrestrwyd gyda'r Ysgol a'r Uned Derbyniadau yn Adran Addysg a Phlant Cyngor Sir Caerfyrddin.*

*RHAID i'r cyfeiriad fod yn Sir Gaerfyrddin (hy, fod Treth y Cyngor yn cael ei thalu i Gyngor Sir Caerfyrddin) – rhaid cyflwyno ceisiadau am gludiant o gyfeiriadau mewn siroedd eraill i'r Cyngor Sir perthnasol.*

Dyddiad geni:

*Rhaid i'r plentyn fod o "Oed Ysgol Statudol" hynny yw 5 oed neu'n hŷn ar y dyddiad y mae angen cludiant.*

Enw'r Ysgol y mae angen cludiant iddi:

Y flwyddyn ysgol bresennol (ar y dyddiad y mae angen cludiant):

*(fel arfer, blynyddoedd 1 i 6 ar gyfer disgyblion cynradd, 7 i 11 ar gyfer disgyblion uwchradd a 12 neu 13 ar gyfer y chweched dosbarth):*

Adran 2. Manylion y cludiant sydd ei angen:

Gofynnir ichi nodi lleoliad y safle(oedd) neu'r llwybr(au) bysiau addas agosaf, os ydych yn gwybod hynny, neu unrhyw safleoedd neu lwybrau bysiau eraill y byddech yn eu derbyn pe na fyddai eich dewis cyntaf ar gael.

Mae'r wybodaeth hon yn ein helpu i glustnodi'r arhosfan bysiau cywir, neu arhosfan arall a ffafrir os yw ar gael, i'r disgybl.

**Parhewch ar y dudalen nesaf ...**

### Adran 3. Manylion rhiant/gwarcheidwad:

Cyfenw:	Blaenlythrennau:	Teitl:
Perthynas â'r disgybl:		
Rhif ffôn yn ystod y dydd a/neu gyfeiriad e-bost ( <i>fel y gallwn gysylltu â chi os bydd gennym gwestiwn</i> ):		

### Adran 4. Datganiad:

Rwyf wedi darllen y "Côd Ymddygiad Cludiant o'r Cartref i'r Ysgol/Coleg" ac rwyf yn deall y gallai ymddygiad annerbyniol olygu fy mod yn colli'r hawl i gael cludiant

Llofnod y disgybl: .....

Nid oes angen i ddisgyblion sy'n gwneud cais am gludiant Ysgol gynradd llofnodi

Rwyf yn tystio bod gennyf gyfrifoldeb rhiant am y plentyn a enwir uchod a bod y wybodaeth uchod yn gywir hyd eithaf fy ngwybodaeth. Rwyf wedi darllen yr adran Côd Ymddygiad Rhieni o'r "Côd Ymddygiad Cludiant o'r Cartref i'r Ysgol/Coleg" ac rwyf yn deall y gallai ymddygiad annerbyniol gan fy mhientyn olygu ei fod yn colli'r hawl i gael cludiant.

Yr wyf yn derbyn y gallai'r cerbyd y bydd fy mhientyn yn teithio arno fod â system teledu cylch cyfyng (CCTV), ac y caiff unrhyw recordiad ei wyllo a'i ddefnyddio yn dystiolaeth o ymddygiad annerbyniol. Mae'r recordiad CCTV yn gyfrinachol ac ni chaiff ei weld ond gan bobl ag awdurdod sydd wedi'u cymeradwyo drwy broses y Swyddfa Cofnodion Troseddol.

**Yr wyf yn deall fod unrhyw sedd wag a roddir imi ond ar gael am y flwyddyn academiaidd gyfredol, ac y gallai'r consesiwn hwn gael ei dynnu'n ôl gyda 7 diwrnod o rybudd. Yr wyf yn cytuno i ddychwelyd y Tocyn Teithio ar unwaith os bydd y Cyngor Sir yn dweud wrthyf yn ystod y cyfnod hwn nad yw'r sedd wag bellach ar gael.**

Llofnod Rhiant/Gwarcheidwad: ..... Dyddiad:.....

*Mae Cyngor Sir Caerfyrddin yn casglu data personol amdanoch chi a'ch plentyn gan ddefnyddio'r ffurflen hon fel y gallwn ddelio â'ch cais am gludiant. I ddarganfod mwy am sut rydym yn defnyddio'ch gwybodaeth, cysylltwch â 01267 228 326 i gael ein Hysbysiad Preifatrwydd, neu ewch i'n gwefan [www.sirgar.llyw.cymru](http://www.sirgar.llyw.cymru)*

*Er mwyn helpu i atal twyll o ran gweinyddu cyllid cyhoeddus, mae'n bosibl y caiff y wybodaeth ei chymharu â data personol arall a ddelir gan y Cyngor a'i defnyddio at ddibenion cymharu ag awdurdodau eraill.*

*Pan fo rhieni/gwarcheidwaid yn fwriadol yn rhoi gwybodaeth ffug er mwyn cael cludiant am ddim na fyddai ganddynt fel arall hawl iddo, gallant wneud eu hunain yn euog o drosedd. Gellir tynnu cludiant yn ôl os gwelir yn ddiweddarach fod datganiadau o'r fath yn anghywir.*

Ar ôl ei llenwi, anfonwch y ffurflen, **ERBYN 28ain MEDI 2018**, at:

Ceisiadau,  
Uned Cludiant Teithwyr,  
Cyngor Sir Caerfyrddin,  
Bloc 1, Parc Myrddin,  
Caerfyrddin SA31 1HQ.